

Mid-Day Dogri News Bulletin, 26 December 2024

समे – 12:25 hrs.

<><><><><><>

Prez. Bal Diwas

राष्ट्रपति द्रौपदी मुर्मू होंरें अज्ज नमीं दिल्ली च 17 बच्चें गी उंदी असाधारण उपलब्धियें लेई 7एं श्रेणियें च प्रधानमंत्री राष्ट्री बाल पुरस्कार भेंट कीते। 14एं राज्यें ते केंद्रशासित प्रदेशों दे इनें बच्चें गी कला ते संस्कृति, बहादुरी, नवाचार, विज्ञान ते प्रौद्योगिकी, समाज सेवा, खेडें ते पर्यावरण दे खेतर च उंदी उपलब्धियें लेई एह् सम्मान भेंट कीते गे। इस मौके लोकें गी संबोधित करदे होई राष्ट्रपति द्रौपदी मुर्मू होंरें वीर बाल दिवस दे मौके उप्पर साहिबजादे दी वीरता ते बलिदान गी श्रद्धांजलि दिती। उनें आखेआ जे एह् ध्याड़ा सिक्खें दे 10में गुरु श्री गुरु गोबिंद सिंह जी महाराज हुंदे पुतरें दे बेजोड़ बलिदान ते दलेरी दे प्रति सम्मामन व्यक्त करने लेई हर बरे मनाया जंदा ऐ। पुरस्कार हासल करने आहले बच्चें गी बधाई दिंदे होई राष्ट्रपति होंरें आखेआ जे उंदा कम्म असाधारण ते हरान करी देने आहला ऐ ते उंदी उपलब्धियां देशें दे सब्बनं नागरिकें गी प्रेरित करडन।

<><><><><><>

PM-Svamitva

प्रधानमंत्री नरेन्द्र मोदी होर कल स्वामित्य योजना दे तैहत 58 लक्ख शा मते संपत्ति कार्ड बंडडडन। इस मौके पर श्री मोदी होर इस योजना दे लाभार्थिणं कन्नै गल्लबात बी करडन। इस योजना तैहत ग्रामीण आबादी आहले इलाकें च संपत्ति मालकें गी जमीनें दे मालकी आहले

दस्तावेज प्रदान कीते जाडन। पंचैती राज मंत्रालय नै आखेआ ऐ जे स्वामित्व योजना कन्नै जमीन दे मालकें गी मालिकाना प्रमाण मिलोग। एहदे कन्नै, सम्पत्ति सरबन्धी विवादें गी घट्ट करने, ग्रामीण स्तर दी व्यापक योजना गी दुरुस्त करने ते सम्पत्ति कर दे संग्रह गी बढ़ावा देने च बी मदाद होग। इस अखिल भारती ऑनलाइन कार्यक्रम च बक्ख-बक्ख केन्द्री मंत्री ते मुखमन्त्री बी शामिल होडन। पंचैती राज सचिव विवेक भारद्वाज होरें नमीं दिल्ली च दस्सेआ जे इस योजना दे तैहत तकरीबन 3 लक्ख 17 हजार गांएं दा ड्रोन सर्वेक्षण कीता गेआ ऐ ते इक लक्ख 37 हजार करोड वर्गमीटर थमां मती रिहायशी जिमीं मापी गई ऐ। उनें दस्सेआ जे हूनै तगर लगभग 2 करोड सम्पत्ति कार्ड कायम कीते गे न।

<><><><><><>

EPFO

कर्मचारी भविष्य निधि संगठन-ईपीएफओ दे सदस्यें दी गिनतरी च इस बरें अक्टूबर महीने 13 लक्ख 41 जहार सदस्यें दा बाददा होआ ऐ। श्रम ते रोजगार मंत्रालय नै एह जानकारी दिंदे होई दस्सेआ जे सदस्यें च बाददे दा श्रेय रोजगार दे बधदे मौकें, कर्मचारिए सरबन्धी फायदें दे बारें च बधदी जागरूकता ते ईपीएफओ दी असरदार पुज्ज सरबन्धी पैहल गी दिता जाई सकदा ऐ। सरबन्धत आंकड़ें थमां पता लगदा ऐ जे मजूदा माली बरें दे अक्टूबर महीने लगभग 7 लक्ख 50 जहार नमें सदस्य ईपीएफओ च शामिल होए। मंत्रालय मूजब आंकड़ें थमां पता लगदा ऐ जे नमें जोडे गेदे सदस्यें च 18 थमां 25एं बरें दी उम्री दे युवा सब्बन शा मते न। इस अवधि दे दरान जुड़े दे कुल सदस्यें च इंदा जोगदान 58 फीसद थमां मता ऐ। पे-रोल डेटा

थमां एह जानकारी बी मिलदी ऐ जे तकरीबन 12 लक्ख 90 हजार सदस्य एहदे चा बाहर निकले ते मगरा ईपीएफओ च फही शामिल होई गो।

<><><><><><>

PM-Mann ki Baat

प्रधानमंत्री नरेन्द्र मोदी अपने माहवार रेडियो कार्यक्रम श्रमन की बातश् दे राएं औंदी 29 दिसम्बर गी देश.विदेश च रौहने आहले श्रोताएं कन्नै बचार सांझे करडन। हर महीने दे अखीरले ऐतवारें दिनै 11 बजे प्रसारत होने आले इस कार्यक्रम दी एह 117मीं किश्त होग। कार्यक्रम च शामिल कराने लेई लोक अपने बचार टोल फ्री नंबर 1800.11.7800 पर फोन करियै जां फही नरेन्द्र मोदी ऐप पर बी इस महीने दी 27 तरीक तगर भेजी सकदे न। मन की बात दा प्रसारण आकाशवाणी ते दूरदर्शन दे समूलचे नेटवर्क पर कीता जाहग। एहदे इलावा एह प्रसारण आकाशवाणी खबरें दी वैबसाइट ते न्यूज़ ऑन एण्आईण्आर मोबाइल ऐप पर बी उपलब्ध होग। एहदे कन्नो कन्नी आकाशवाणी समाचारए डीण्डी न्यूज़ए प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी एहदी लाइव स्ट्रीमिंग उपलब्ध होग। आकाशवाणी परा मन की बात दे प्रसारण दे तुरत मगरा मकामी भाशाएं च एहदा अनुवाद बी प्रसारण कीता जाहग।

<><><><><><>

Announcement

आकाशवाणी जम्मू दा प्रादेशिक समाचार एकांश कल 27 दिसंबर 2024 गी भारती संविधान गी अपनाए जाने दे 75एं बरें दी गौरवशाली जातरा पर 25एं मिंटें दा इक्क विशेष कार्यक्रम प्रसारित करोग। विशेष प्रसारण कल शुक्रवारें 27 दिसंबर गी बड्डलै साइडे 9 बजे कीता जाहग। इस कार्यक्रम दा उद्देश्य भारती संविधान ते स्हाड़े सब्बनैं दे संवैधानिक अधिकारें बारे जागरूकता पैदा करना ऐ। 26 नवम्बर सन् 19 सौ नुंजा गी भारती संविधान गी अपनाया गेआ हा ते फही 26 जनवरी 1950 गी इसी लागू करी दिता गेआ हा। इस कार्यक्रम च स्हाड़े न्यूज़ एन्कर श्रुति खजूरिया ते कुनाल श्रीवत्स गल्लबात करै करदे न वरिष्ठ एडवोकेट शेख शकील हुंदे कन्नै। इयै ज्नेही होर दुई महत्वपूर्ण जानकारीयें सरबन्धी प्रसारण लेई एफ.एम 100 इशारिया 3 मैगाहर्टज़, 104 इशारिया 5 मैगाहर्टज़ ते मीडियम वेब 303 मीटर यानि 990 किलोहर्टज़ उप्पर आकाशवाणी समाचार ते कार्यक्रम सुनदे रवो ते rnujammu@gmail.com उप्पर स्हाड़े कन्नै इंदे बारे अपनी प्रतिक्रिया पक्क गै सांझी करो।

<><><><><><>